

# TUNEBONE

## Woar zit dien reet aan vastrou

Is het de leegte, de ainzaamheid  
Zwoare gedachten, wat die verblaikt  
Aal dei twievels, over zekerheid  
Van aal wat wel is, en van aal wat is nait  
Spring oet dien doolhof, durf het aan  
Woar zit dien reet aan vastrou  
Teeg'n hol'n, loat'n goan  
De sleur mag een keuze weez'n, allain d'r veur stoa  
't Altoar van 't leev'm, predikt monogoam  
Allain moar kiek'n, wolf bie volle moan  
Spring oet dien doolhof, durf het aan

Woar zit dien reet aan vastrou

Vaalze glimlach, de sfeer is verzaikt  
Zol've nog zaaien, want oogst wordt d'r nait  
Compromies sluit'n, 't zulfde laid  
'k Wil mie lös wrikk'n, moar woag het nait  
Spring oet dien doolhof, durf het aan  
Woar zit dien reet aan vastrou